

Пайғамбар соллаллоҳу алайҳи васалламга коғирлар томонидан ваъдалар қилингани



18:05 / 21.12.2017 4159

Коғирлар Пайғамбар соллаллоҳу алайҳи васалламни даъватларидан қайтариш учун яна бошқа бир уринишга қўл уриб кўрдилар. Улар у зотни молу дунё, мансаб ва бошқа нарсалар билан ўз ишларидан қайтармоқчи бўлдилар.

Ибн Исҳоқ Мұхаммад ибн Каъаб ал-Қаразийдан қуйидагиларни ривоят қиласди:

«Утба ибн Рабийә Қурайш бошлиқларидан бири эди. Бир куни у Қурайшнинг мажлисонасида ўтиради. Расулуллоҳ соллаллоҳу алайҳи васаллам эса масжидда ёлғиз ўзлари ўтирган эдилар. Утба:

«Эй Қурайш жамоаси, бориб, бир Мұхаммад билан гаплашайми? Унга бир неча ишларни таклиф қилиб кўраман, шояд, баъзисини қабул қилиб қолса. Нимани хоҳласа, берар эдик, сўнгра биздан четланарди», деди.

Ўша пайт Ҳамза розияллоҳу анҳу Исломга кирган ва Расулуллоҳ соллаллоҳу алайҳи васалламнинг саҳобалари кўпайиб бораётгани кўриниб турган пайт эди. Қурайшликлар:

«Тўғри, Эй Абул Валид, унинг олдига бор. У билан гаплашиб кўр», дедилар. Утба туриб, Расууллоҳ соллаллоҳу алайҳи васалламнинг олдиларига борди ва гап бошлади:

«Эй биродаримнинг ўғли, сен ичимиизда ўзингдек кучли қабиладансан, насабинг ҳам маълум ва машхур. Сен қавмингга улуғ бир ишни олиб келдинг, у билан ораларига тафриқа солдинг. Ақлларини паст, дединг. Худоларини ва динларини айбладинг. Уларнинг ўтган боболарини кофир, дединг. Менга қулоқ ос, сенга бир неча ишларни таклиф қиласман, уларга назар солиб кўр. Шояд, улардан баъзисини қабул қиласанг», деди.

«Эй Абул Валид, айт, эшитаман», дедилар Расууллоҳ соллаллоҳу алайҳи васаллам.

«Эй биродаримнинг ўғли, – деди Утба, – агар ўзинг келтирган ушбу иш билан молу дунёни хоҳлаётган бўлсанг, сенга молу дунёмиздан жамлаб берайлик, токи ичимииздаги энг кўп мол-мулкли бўлгин. Агар у билан шону шарафни хоҳлаётган бўлсанг, сени ўзимизга бошлиқ қилиб олайлик, сенинг изнингсиз бирор иш қилмайлик. Агар у билан подшоҳликни хоҳлаётган бўлсанг, сени ўзимизга подшоҳ қилиб олайлик. Агар сенга келаётган бу нарса бирор жин ёки шарпа бўлса, уни қайтара олмаётган бўлсанг, табибларни олиб келайлик. Токи тузалиб кетгунингча молу дунёмизни сарф қилайлик. Кўпинча одамга шундай нарса келса, даволанса, тузалиб кетади», деди.

Утба гапини тамом қилгунча қулоқ солиб турган Расууллоҳ соллаллоҳу алайҳи васаллам:

«Эй Абул Валид, гапириб бўлдингми?» дедилар.

«Ҳа», деди Утба.

«Энди мендан эшитгин», дедилар Расууллоҳ соллаллоҳу алайҳи васаллам.

«Қулоғим сенда», деди Утба.

Шунда Расууллоҳ соллаллоҳу алайҳи васаллам:

«Бисмиллаҳир роҳманир роҳийм. Ҳаа. Мийм», деб «Фуссилат» сурасини тиловат қилиб кетдилар. Сажда оятини ўқиб, сажда қилдилар. Сўнгра:

«Эй Абул Валид, эшитган нарсангни эшитдинг. Энди ўзинг биласан», дедилар.

Утба ўрнидан туриб, шериклари томон юрди. Улар бир-бирларига:

«Аллоҳга қасамки, Абул Валид бутунлай бошқа одам бўлиб келмоқда», дедилар.

У олдиларига келиб ўтиргач:

«Эй Абул Валид, нима гап олиб келдинг?» дедилар.

«Аллоҳга қасамки, мен ундан ҳеч эшитмаган гапни эшитдим. Аллоҳга қасамки, у сеҳр эмас, шеър ҳам эмас, фолбинлик ҳам эмас. Эй Қурайш жамоаси, менга итоат қилинглар. У одамни ўз иши билан қўйиб қўйинглар. Ундан четланинглар. Аллоҳга қасамки, мен эшитган сўзга қараганда, унинг улуғ хабари бўлади (унга улуғ хабар келади). Агар бошқа араблар уни даф қилсалар, бошқалар сизни қутқарган бўлади. Агар у араблардан устун келса, унинг мулки сизнинг мулкингиз бўлади, унинг иззати сизнинг иззатингиз бўлади. Энг саодатли одамлар бўласиз», деди. Улар:

«Эй Абул Валид, у сени ўз тили билан сеҳрлаб қўйибди», дедилар. Утба:

«Бу менинг фикрим, ўзингиз билганингизни қилинг», деди.

Кофиirlар яна мусулмонларга қарши ўз душманликларини авж олдиришга ружу қўйдилар.

Шайх Муҳаммад Содик Муҳаммад Юсуф

(Ҳадис ва ҳаёт китобидан)